

Exelencia sira,

Iha oportunidade ida ne'e comisaun organizadora fo topikun ida ba hau atu ko'alia konaba "*Vizaun Parlamento Nacional nudar Representante Povo no Sociedade Civil nia Funsan Nudar Controlo Social iha Desenvolvimento Nacional*". Topikun ida nebe interesante tebes tuir ita nia realidade agora. Hau tenta atu halo komentario balun relacionado ho papel parlamentu no sociedade civil iha desenvolvimento nacional ita nia rain.

Desenvolvimento Nacional nudar pilar importante ida iha nasaun hotu, liu-liu nasaun sira nebe foin mak atu desenvolve nia an. Desenvolvimento Nacional nia objectivo mak implementa objectivo estado nebe konsagra iha artigo 6 ponto i, konstitusaun Timor Leste nian, katak, "*Promove desenvolvimento ida-ne'ebé kabeer ba setór oioin no rejiaun sira, no mós fahe loloos produtu nasional nian*".

Signifika katak institusaun hotu estado nian esforsa an hodi halo

mudansa ba povo nia moris ba moris diak. Tamba ne'e desenvolvimento prekore iha seitor hotu hanesan ekonomia, social, politika cultural no seluk tan. Iha desenvolvimento integrado ou comprehensivo nebe bazeia ba experiensia nasaun seluk nian, linha cordenasaun importante tebes se lae implementasaun plano desenvolvimento lintas serorais lalao ho diak. Iha aspek ida ne'e alinde persija kontrola politika husi orgaun importante estado nian, persija mos involvimento kontrola social husi elemento populasan sira inclui sociedade civil.

Kontiudo husi topik iha leten, laos deit ko'alia konaba papel no visaun Parlamento Nacional nian maibe ko'alia mos konaba partisipasaun sociedade civil iha desenvolvimento nacional no lokal.

Parlamento Nacional nudar organizasaun nebe formalmente representa povo halo nia papel hanesan temi iha konstitusaun. Artigo 92 Konstitusaun RDTL hateten katak "*Parlamentu Nasionál mak órgaun soberania Repúblika Timór-Leste nian ne'ebé reprezenta ema Timór-oan*

*tomak, iha kbiit atu halo lei, atu fiskaliza no atu halo desizaun polítika*". Signifika katak laiha tan institusaun seluk mak temi nia an representa povo Timor-Leste politikamente. Parlamento Nacional mak uniku representa povo. Parlamentu Nacional bele halo projetu da lei liu husi programa legislasaun nebe defini ona iha plano estratgeico parlamento nacional nian. Parlamento nacional iha obrigasaun hodi halo fiskalيزasaun ba implementasaun programa guverno nian tomak iha tereno liu husi komisaun especialiada sira. Tamba ne'e mak itabo'ot sira sempre hasoru membro Parlamento Nacional husi komisaun espesializada sira visita ba fatin sira iha teritoria tomak hodi hare implementasaun projetu sira guverno nian. Nune mak Parlamento Nacional sai matan no tilun povo nia hodi hala'o nia kompetensia hanesan konstitusaun husik ba nia.

No mos parlamento Nacional nebe mos halao nia kontrola liu husi nia tarefas sira nebe definido ona, tenke hakbesik liu tan nia an ba povo. Plano Estrategico Parlamento Nacional nian hatudu momos katak

Parlamento Nacional liu-liu iha mandato ida agora persija hakbesik liu tan nia an ba povo tomak hodi rona aspirasaun povo nian liu husi ninia programa sira nebe temi ho naran LIAN POVO no mos Orsamento Partisipativo. LIAN POVO signifika katak parlamento tenke tun ba baze hodi rona povo nia aspirasaun no artikula liu husi deklarasaun iha plenaria no mos artikula liu husi legislasaun no dezisaun politika. Orsamento Partisipativo signifika katak sociedade sivil bele aprosima komisaun especializada ba assunto orsamento nian, hodi akomoda proposta orsamento husi sociedade civil sira.

Exelencia sira,

Ba papel sociedade civil nian iha desenvolvimento nacional, hau hare husi partisipasaun sociedade civil iha aspetu rua (2) mak tuir mai ne'e ; *premeiru*, konaba papel sociedade civil iha aspetu implementasaun programa governo nian. Iha aspetu ida ne'e, sociedade civil nia papel hamutuk ho autor estado nian hodi implementa programa governo nian. Portantu, sociedade civil ajuda no tulun governo hodi realiza programa governo tantu liu husi orsamento estado no mos orsamento doadores sira nian. *Segundo*, mak Sociedade civil nudar agente ba controlo social. Sociedade civil nudar organizasaun nao guvermentais nebe diretamente halo supervisaun no observaun ba realidade implementasaun programa

guverno nian. Controla nebe sociedade civil halo ba liu kontrol social maibe mos bele iha implikasaun judisiario nian.

Exelencia sira ;

Atu taka hau hakarak hato'o ba itaboot sira hotu katak, tantu parlamentu nasional no mos sociedade civil, hotu-hotu nia objectivo ida deit mak "servi povo no lori povo ba moris diak" mesmo ho dalan nebe diferente. Tamba ne'e cooperasaun entre agente estado nian no sociedade civil importante tebes ba povo no rai doben Timor Leste. Mai servisu hamutuk, mai la'o hamutuk ba Timor Leste ida nebe diak liu iha futuro.

Parabens ba ONG Luta ba Futuro no dezejia bom sucesso.

Obrigado Wa'in